

օրուան, ընթացիկ քաղաքականութեան խընդիբ: Այսպէս դատել նշանակում է հաշուի չառնել ժամանակի եւ տարածութեան ազդակները, որոնց ճշգրիտ ըմբռնողութիւնը հիմն է ամէն մի իրապաշտ քաղաքականութեան:

Մոռնալու չէ երբեք, որ երբ 1919-ին հրապարակ հանուեց Միացեալ Հայաստանի պահանջը, մենք առարկայօրէն գտնուում էինք մեր այդ իտէայի իրականացման նախօրէին: Ազգային եւ միջազգային բոլոր ազդակները այն ժամանակ վճռապէս խօսում էին նրա օգտին:

Այնուհետեւ փոխուեցան նոյն այդ ազդակները, բնականաբար պիտի փոխուէին եւ փոխուեցան էլ մեր ըմբռնողութիւնը Միացեալ Հայաստանի սահմանների, ինչպէս նաեւ նրա իրականացումը հետապնդող միջոցների եւ տեսողութեան մասին:

Միացեալ Հայաստան գաղափարի էութիւնը դրանով չվերացաւ հարկաւ, ոչ էլ ազատուեց, այլ յարմարուեց փոփոխուած պայմաններին, որոնք մեր կամքից դուրս են, որոնց սակայն հաշուի առնել չէ կարող նոյն այդ կամքը: Միացեալ Հայաստանի ամբողջակման գաղափարը վաղը կարող է դահանալ կովկասեան Հայաստանի յափշտակուած գաւառների վերստացումով, նա կարող է յետագային հետապնդել Արեւմտեան Հայաստանի թէկուզ մէկ-երկու գաւառի ազատագրումը եւ դարձեալ գոհանալ ու ամբողջացուած սեպուիլ, բոլոր պարագաներում այդ ամէնը տեղի ունենալ կարող է Արդի Հայաստանի ընդարձակումով:

Ուրիշ խօսքով՝ Միացեալ Հայաստանի գաղափարը միայն եւ միայն ժամանակակից Հայաստանի սահմանների ընդարձակման խընդիբ է — այն ուղղութեամբ եւ այն չափով, որ օգտաշահ է եւ անհրաժեշտ, հայութեան ցրիւխոջոր հատուածները համախմբելու հայրենի հողերի վրայ:

Ահա նաեւ այդ տեսակէտից Միացեալ Հայաստանի գաղափարը հակադրուած է քաղաքական այն ըմբռնողութեան, լինի նա համայնավարների թէ այլոց կողմից պաշտպանուած, համաձայն որի՝ սին պատրանք է Միացեալ Հայաստանը ինքնին, թէ՛ Հայկական Հարցը

լուծուած է արմատից եւ առյաւէտ, եւ թէ՛ միանգամ ընդմիշտ դժուած են Հայաստանի սահմանները, նրանցից դուրս աւելի կամ ուրիշ պահանջ չունի հայ ժողովուրդը:

III

Ինքնին առանձին հարց է, ի հարկէ, թէ Միացեալ Հայաստանի — աւելի լայն կամ անձուկ սահմաներով — իրականացումը կա՞ր՞ճ թէ երկար տեսողութեան խնդիր է, ապրո՞ղ թէ ապագայ սերունդներին է վերապահուած նա:

Այդ հարցի այս կամ այն պատասխանը կախում ունի միջազգային ոյժերի դատարարումներից, բայց որ գլխաւորն է՝ մեր սեփական ոյժերի հաւաքումից եւ դորացումից:

Վերջին 10-12 տարիների ընթացքում մենք այնքան թուլացանք Ֆիզիքապէս, այնչափ նօսրացաւ մեր համբանքը, այն աստիճան սեղմընցաւ ազգագրական Հայաստանը — իսկ դրանք են ամէն մի ազգային քաղաքականութեան առաջ մղիչ գերազանց ազդակները — որ անկարող ենք հաշուի չառնել այդ ամէնը եւ ըստ այնմ էլ չափել ու ձեւել մեր քաղաքական վարքադիժը՝ առաջիկայ ժամանակաշրջանի համար:

Իրականութեան առջեւ աչք չդրելը, որչափ եւ դառն լինի նա, քաղաքական գործիչի եւ կազմակերպութեան է՛ն առաջին պարտականութիւնն է: Իսկ այդ իրականութիւնը ասում է, առանց յուսարեկ ու թեւաթափ անելու մեզ, թէ հայ ազգի մեծագոյն դահիճները ըստ էութեան անսխալ էին գծել իրենց նշանակէտը՝ հայ ժողովուրդի մի հատուածի անճիտումով նրա Դատի իրականացումն էլ երկարաճգել յիսուն տարով: Երկարաճգել, բայց ոչ թաղել, որ վեր է մեր ցեղի բոլոր դահիճների համար իսկ՝ միասին առած:

Շարունակենք: Այսպիսով՝ Միացեալ Հայաստանի ելակէտը Անդրկովկասում որոնելու է: Ներկայ Հայաստանից թէեւ դուրս, բայց նրան անմիջապէս կից գտնուող եւ ազգագրորէն ու աշխարհազրա-անտեսօրէն — ուստի եւ իրականօրէն — ոչ նուազ հայկական բոնադրաւուած շրջանների վերստին կցումը մեր երկրին՝ դիտելու է որպէս առաջին հանգրը-